

紫府去非遲石終始懷觀子友持愧伯慈張功成當並駕六合  
恣傲嬉石

又

酒厭高陽價人懷中古情張把杯聊共樂對景發新聲石十二  
分清氣三千外世榮張天真聊所適俗禮莫相嬰石蟬韻微微  
近松聲宛宛生張林風侵坐冷山月照人明石籟靜人尤爽宵  
分氣尚橫張星文玉燭煥虎力紫毫輕石得志非軒冕游神必  
海瀛中元聊醉此寓意笑虛名

七言再詠

醉倒尚誇雲液美吟看尤覺羽毛輕張松軒悵望情何限竹檻

道藏輯要

虛靖真君語錄

七

又翼集七

留連興愈清石水草遠含青翠色野花仍吐細微英張風來晝  
榻消殘暑雨過秋蟬送晚聲石仙境每看天路近風騷不許世  
紛縈張饒君先駕雲間鶴顧我還騎海上鯨石白帝氣剛羣動  
肅道人心正百魔驚張共欣淡泊居林石翻笑驅馳到市城石  
溪上且同三笑樂飲中要與八仙爭張莫言酒量全輸我會是詩  
名數石卿

同遊棲真

興爲棲真來情因昔人動張昔人道非孤令人心乃共石靜有  
物外樂清無世間夢秦至論超形神談歌徹巖洞張野色雜茶  
甌松聲入琴弄石未可賦歸歎更揭流霞甕秦定